



顏魯公文集

錫山安國刊

卷之七

碑

郭公廟碑銘

昔申伯翰周降神於維嶽仲父匡晉演慶於筮淮而
猶見美詩人騰芳史冊豈比夫神明積高之壤百二
懸隔之都三峯發地而削成九派浮天而噴激炳靈
毓粹奕葉生賢括宇宙而稟和總河山而蘊秀莫與
京者其惟郭宗乎其先蓋出周之虢叔虢或為郭因

而氏焉代爲太原著姓漢有光祿大夫廣德生孟儒
爲馮翊太守子孫始自太原家焉後轉徙于華山之
下故一族今爲華州鄭縣人夫其築臺見師瘞子致
養家承金宛之貴政有露冕之高或哲或謀或肅或
又皆海有珠而鳥有鳳也闕閱之盛其流益光隋有
金州司倉諱履球府君懋其德輝不屑下位克已復
禮州邦化焉篤生唐涼州司法諱昶府君能世其業
以伸其道遠近宗之不隕厥問生美原縣主簿贈兵
部尚書諱通府君清識澈照博綜羣言始登王畿鬱
有佳稱道悠運促靡及貴仕垂于後昆沒而見尊是

生我諱敬之府君府君幼而好仁長有全德身長八
尺二寸行中絜矩聲如洪鍾河目電照虬鬚蝟磔進
退閑雅望之若神以仲由之政事兼翁歸之文武始

自涪州錄事參軍轉瓜州司倉雍北府右果毅加遊
擊將軍申王府典軍金吾府折衝兼左衛長上原州
別駕遷扶州刺史未上除左威衛左郎將兼監牧南
使渭吉二州刺史侍中牛仙客薨君清節奏授綏州
遷壽州累加中大夫策勲上柱國以天寶三載春正
月十日遘疾終于京師常樂坊之私第春秋七十有
八乾元三年春二月以公之寶胤開府儀同三司司

徒兼中書令柱國汾陽郡王曰子儀有大勲于王室
乃下詔曰故中大夫壽州刺史郭敬之果君子之行
毓達人之德才光文武政美中和生此大賢爲我良
弼頃以孽胡作亂黔首懼殃朕於是鬱興神武之師
克掃攙搶之氣而子儀帥彼勁卒赫然先驅取京洛
如拾遺剪凶殘猶振槁功存社稷澤潤生人是用寵
洽哀榮義申存歿可贈太保於戲府君體含弘之素
履秉冲邈之高烈言必主於忠信行不違於直方清
白爲吏者之師死生敦交友之分端一之操不以夷
險旣其懷堅明之姿不以雪霜易其令用情不間於

疎遠泛愛莫遺於賤貧拳拳服膺終始靡二故所居
則化所去見思人到于今稱之斯不朽矣傳曰德盛
必百代祀其有後也宜哉恭惟今公先皇之佐命臣
也少而美秀長而壞偉姿性質直天然孝悌寬仁無
比騎射絕倫所蒞以清白見稱居常以經濟自命弱
冠以邦鄉之賦驟膺將帥之舉四擢高第有聲前朝
三爲將軍再守大郡累典兵要必聞休績天寶末安
祿山反于范陽今公以節度使擁朔方之衆圍高秀
巖于雲中破史思明于嘉山先帝之幸朔方赴行在
於靈武擊同羅于河曲走崔乾祐于蒲坂今上之爲

元帥也首副旄鉞會迴詔于扶風摧亮寇于汶水追
餘孽于陝服長驅河洛弼成睿圖再造生靈克清天
步又函夏之未又安天下之未安一年之間區宇大
定不休哉徒觀真元和降精間氣生德感星辰而作
輔應期運以濟時忠於國而孝於家威可畏而儀可
象盛德繫物寬身厚下用人由己從善如流沉謀祕
於鬼神精義貫於天地推赤誠而許國蹈白刃以率
先霆擊於雲雷之初鷹揚於廟堂之上大凡二曆鼎
司兩升都座四作元帥九年中書歷事三聖而厥德
維懋易相二十而受遇益深蓋尅復上都者再戡定

東京者一其餘麾城擗邑得傳摧鋒亦非遽數之所
周也信可謂王國之虓虎生人之旌旆者歟非太保
之邁種不孤則何以鍾美若是况乎友于著睦贊龍
虎者十人貽厥有光紆青紫者八九勲庸舉集今古
莫儔昔奮號尊榮紅粟纒霑於萬石憚家全盛朱輪
不出於十人繇我觀之事不侔矣於乎清廟之興所
以仁祖考鴻伐之刻亦以垂子孫爰初制於舊居將
求圖而觀德中堂有血丕構克崇感霜露而怵惕以
增敘昭穆而敬恭斯在庶乎觀盟顯若旣無斁於永
懷入室優然必有覲乎其位哀榮旣極情禮用申仁

人之所及遠哉孝子之事親終矣豈惟温温孔父遠
稱饒鼎之銘穆穆魯侯獨美龍旂之祀其詞曰

郭之皇祖肇允號土逮于後昆實守左輔從華陰兮

其一源長流光施于司倉涼州兵部克熾而昌載德

深兮其二篤生太保允懋厥道神之聽之永錫難老

式如金兮其三於穆令公汾陽啓封文經武緯訓徒

陟空簡帝心兮其四舍一不二格于天地愷悌君子

邦之攸懋昭德陰兮其五芝馥蘭芳羽儀公堂子子

孫孫為龍為光鏘璆琳兮其六乃立新廟肅雍允劭

神保是聽孝思孔炤亶居歆兮其七乃立高碑盛美

奚斂日月有既徽猷永垂映來今兮其八廣德二年

歲次甲辰十一月甲午朔二十一日甲寅建

銀青光祿大夫海濮饒房睦台六州刺史上

柱國汲郡開國公康使君神道碑銘

君諱希銑字南金其先出于周武王同母少弟衛康

叔封之後也史記云成王長用事舉康叔為周司寇

賜衛寶祭器以彰有德封子康伯支庶有食邑于康

者遂以氏焉代為衛大夫至漢有東郡太守超始居

汲郡超之裔孫魏强弩將軍權權生晉虎賁中郎將

泰泰生太守威威生蘭陵令奮節將軍翼隨晉元

易山安天官

帝過江爲吳興郡丞因居烏程事見山謙之吳興記
翼生豫章太守鎮鎮生征虜司馬建武將軍欽信欽
信生宋晉熙王兵曹參軍黯黯生南臺高高生齊
驃騎大將軍孟真孟真生梁散騎侍郎僧朗僧朗生
陳給事中五兵尚書宗爲山陰令子孫始居會稽
遂爲郡人焉曾祖孝範江夏王府法曹臨海縣令祖
英隋齊騎曹江寧縣令皇朝隨郡王行軍倉曹
父國安明經高第以碩學掌國子監領三館進士教
之策授右典戎衛錄事參軍直崇文館太學助教遷
博士白獸門內供奉崇文館學士贈杭州長史君郎

長史府君之叔子也年十四明經登第補右內率府

胄曹應詞藻宏麗舉甲科拜祕書省校書郎轉左金

吾衛錄事參軍應博通文史舉高第授太府寺主簿

轉丞又應明於政理舉拜洛州河清令加朝散大夫

州司馬德州長史轉定州屬突厥侵軼君以偏師

抗之遷海州刺史功以勅書賜方岳繡袍一領雜

綵二百段下車未幾詔擇政術尤異者察使奏公恩

制褒異遷濮州加銀青光祿大夫累封汲郡開國公

策勲上柱國轉饒州公爲國子司業以貶房州

轉睦州遷台州所至之邦必聞美政開元初入計至

京抗表請致仕玄宗允許仍二年請歸鄉敕書褒美賜衣一襲并雜綵等仍給傳驛至本州冬十月二十有二日不幸遘疾薨于會稽覺胤里第春秋七十有一夫人陳郡殷氏太子中舍人聞禮之曾孫右清道率令德之孫州錄事參軍子恩之第五女先天二年封丹陽郡夫人公薨之年歿於東都章善坊私第春秋六十九嗣子朝散大夫婺州司馬襲汲郡公元會稽縣男元瑾宣州司士京兆府奉先尉會稽縣男元瑒朝議郎前獲嘉丞元懷等虔以天寶四載月四日窆于山陰縣籬渚村之先塋卜遠日

而葬合焉禮也嗚呼君負不器之姿包周身之智

且惠慤愿而恭金玉其相敬明其道文意

二

雅所祇政事優

百

所則嘗撰自古以來清白吏

圖四卷仍自為序贊以見其志宰相黃門侍郎韋承慶中書舍人馬吉甫等美而同述焉盛行於世赴海州時君兄德音為右臺侍御史為偃師令俱以詞學擅名時同請歸鄉拜掃朝野榮之與狄仁傑岑義韋承慶嗣立元懷景姚元崇友善至是咸傾朝同賦詩以餞之近代未有此比君之四代祖至于大父為諸王掾屬者七人歷尚書郎給事中侍御史者二人

活字本今作分
當是倉字

君之先君崇文學士府君有文集十卷注駁文選異
義二十卷漢書十卷自述文集二十卷元昆修書
學士顯府君文集十卷撰詞苑麗則二十卷海藏連
珠三十卷累壁十卷姪秘書監集賢院侍講學士
元撰周異累義二十卷秀州長史元瓌著于錄
寶典三十卷姪刑部員外郎瑾男美原尉南華撰代
耕心鏡十卷百二十卷君之先君至
南華四代進士登甲科者七人舉明經者一十三人
時門頗盛美矣君之女曰辨惠監屋縣令
陝郡長史郃象錢妻君之孫台州司今戶參軍

歲而卒汾州司田參軍真弼德州平昌縣令輔旻崇
玄學生曙懷州武陟尉懽宣州南陵尉渭鄉貢明經
緯綸皆修身踐言敦詩悅禮紹承餘訓克稟義方及
君告老鄒自然陳光壁閭丘景陽陶暹送至越州邑
子謝務遷僧陸鑿校書郎陳齊卿恒為文酒之會論
者休焉愜求舊之崇乞言之禮天平不愆其恨若
何大曆十一年元瓌乞願言
刊勒懼沒微猷求無愧之詞垂不朽之事顧惟未學
曷足當仁銘曰汲公恂恂德懋多士東南
有筠緝熙代業詞章發身佐軍貔虎典校麒麟三擢

易山安天官

崑玉再司

汭驥展河濬驟貳嘉州錫命

斯頻繡寵方岳榮加摺紳六登洽膠庠

華墓表申

見節文昭友仁懸車告老衣錦

熙神連壁襲懿梓澤齊彬饋醕未濟春濛遽淪朝廷
惋悼遠近悲辛季子象賢恐懼鬱堙鴻伐千秋
不泯

遊擊將軍左領軍衛大將軍兼商州刺史武

關防禦使上柱國歐陽使君神道碑銘

漢

使君諱瑋字瑋渤海人其先出自帝顓頊高陽氏滿
有歐陽伯和伯和孫高高孫地餘並列儒林晉有堅

右著名文苑賢達繼軌其來邈乎六代祖僧寶始自

渤海徙居長沙五代祖顏陳山陽郡公高祖紇陳開

府儀同三司左屯衛大將軍交廣等十九州諸軍事

廣州刺史襲山陽郡公功業並著于前史曾伯祖詢

皇朝銀青光祿大夫給事中率更令崇賢館學士以

詞學德行見重前朝軍法孤標垂名不朽曾祖胤年

十七以門子入侍見賞太宗八加正議大夫曾王

傳奉使和突厥不拜虜庭朝廷嘉之回封南海郡公

施光二州刺史祖謏洛州鞏縣令父機漢州什邡令

以休懿傳世著聞于家邦使君即什邡之第四子志

當是傳字活字
今作傳猶可見
傳字之意

尚恬曠穎精於詩易春秋尤明吏術所居則理開元
十八年解褐安西大都護府參軍充湯嘉惠節度推
勾外憂去職服闋補北庭大都護府戶曹參軍節
度使蓋嘉運奏授金滿令仍充營田判官以破賊功
當遷請回授幼弟孤姪者三人教義稱之二十九年
河西節度使奏授晉昌郡戶曹參軍攝晉昌令轉張
掖郡張掖令攝司馬知郡事按吏賊罪罪人誣訟于
使司百姓苗秀康順忠等三十人皆截耳稱冤節度
使王拯駭焉奏與上下考轉岳州長史時屬荒旱人
多孳餒君以祿俸職田并率官吏食餓者千餘人凡

月餘遂多全活劍南節度使楊國忠奏知三峽轉運
改衡陽郡長史賜緋魚袋天寶末羯胡作亂統江湖
之兵先至南陽加賜紫金魚袋充魯吳南陽節度副
使攝淮南郡長史充當郡防禦使時南陽爲賊所圍
諸將選懦莫敢先救至德元載君以當郡防禦士至
新野芙蓉鄉遇賊合戰斬其將犯圍而入吳壯而德
之賊圍解加遊擊將軍左金吾衛中郎將兼南陽郡
司馬遷右驍衛將軍兼上洛郡太守充武關防禦使
肅宗降璽書云卿以特達之姿抱殊常之畧武關防
守委卿一人屬賊陷商於復圍

浙川

金山先生集卷之十一
以保又人吏逆賊悉力來攻六十餘日糧盡救絕遂
陷賊庭賊將甘言怵君令至城下以給吳君忠勇感
激捨生徇義抗聲謂吳曰鳳翔諸將已收長安雖不
能效死軍前辱大夫所使願大夫保守忠義克終令
圖賊以兵刃毆君君志氣彌厲因被執送洛陽今天
子收復兩京僅得脫禍其事具向城令王瀟南陽記
吳又奏君充節度兵馬使君遂辭疾不行稅駕于鄭
之別墅君所居以清白廉慎聞于朝廷祿俸之餘必
賙親族之貧者先疇舊業悉畀羣從一簪不私于其
身又常持誦金剛淨名經向逾三紀不茹葷血者十

年三十三是無僭石之儲而處順安終不改其度蓋澹如
也識者歸高焉粵以上元二年秋九月十四日寢疾
而終春秋六十有五夫人高平徐氏安西都護高平
縣公欽識之女婦順母儀克明休德以大曆二年夏
六月二十五日終于岳州客舍享年五十有六其孤
嵩泉中子崙少子峯等銜恤允窮竭力襄事以大曆
十年冬十月二十四日合祔君泉夫人于榮澤縣廣
武原遵理命也崙不遠千里泣而求蒙敢述無愧之
詞式揚不朽之烈銘曰

猗那使君世 清芬顓經飾 史休有令聞 天子命我

參卿西軍驟遷大縣克懋殊勲讓行親睦耳截冤分
縻祿食餓馳師解紛孤城再巴罷卒益振麾守商於
移兵浙瀆網繆宸睠焜耀天又力盡寇多師陷身也
詭詞給賊解路是羣脫禍歸朝義高天雲乞骸延闕
稅駕洧溱志敦禪誦茹絕羶軍處順齊終聊樂我云
刻諸金石未末不泯

顏魯公文集卷之七

終

顏魯公文集卷之八

碑

朝議大夫贈梁州都督上柱國徐府君神道
碑銘

自古遭盛名而功不立都卿相而名不稱者蓋有之
矣其或荷丕構而繼志不忘在下位而能伸其道克
揚前烈以承後昆其唯徐君乎君諱秀東海郟人也
其先出於伯益實掌舜虞裔孫偃王躬行仁義遂因
國命氏焉厥後樂以文侍金門稊以禮優塵榻仙人

錫山安國刊

金山先生集卷之八
寄傲於賢聖偉長首冠於應劉英達相仍有自來矣
宋有中書侍郎逵之司空羨之兄祕書監欽之欽之
子尚書僕射中書令湛之湛之生黃門侍郎聿之聿
之生齊太尉孝嗣孝嗣生梁侍中緄緄生陳五兵尚
書君敕君敕生丹陽尹温自司空已還四爲上公五
降帝女尹生隋民部侍郎唐贈祕書監諱恕監生金
紫光祿大夫右散騎常侍兼禮部尚書諱筠尚書生
庫部郎中萬年今太子詹事諱昕皆以盛德濟美垂
于世家君即詹事第三子也幼而聰悟篤學能屬文
事繼親以孝稱十餘歲時父友鳳閣侍郎姚元崇示

君五百字詩一覽便誦姚公竒之因謂納言狄公曰
徐子珠華玉潔 後但不知命何如耳年十五爲

崇文生應舉考功員外郎沈倫期再試東堂壁畫賦
公援翰立成沈公駭異之遂擢高第調補幽都縣尉
充相國尚書趙彥昭朔方節度判官以事去職又歷
蔡州參軍爲御史宋遙關內覆囚判官公銳精鞠訊
多所全活宋公以爲言公正色謂之曰僕從祖父司
刑卿天授中詳理冤獄振雪者七十餘家今子孫猶
困於襄陵豈忍以束濕之事以自便也因頓首請去
宋謝而留之無何或訟冤於執事者召公問狀則他

金山安石金一
判官之爲也宋欲別白旌公公曰僕雖不材豈可藉人之過以爲己功乎論者休之戶部侍郎徐知仁請爲招慰南蠻判官奏課居最轉瀛州司法參軍侍御史趙願貞辟宣慰判官歷湖州德清長城潤州丹陽三縣今天寶二載春二月加朝散大夫敕攝新安郡別駕採訪使齊澣梁昇卿並奏爲判官六載秋七月拜臨淮郡長史加朝請大夫九載夏四月除濟南郡司馬加朝議大夫十二載春三月拜信都郡長史不幸感疾天寶十三載秋七月九日終于郡之官舍春秋七十公先世塋壠宅于京師少陵原詹事府君巡

按河南薨于洛汭因葬于緱氏縣西南大寇原公啓手足也顧命其子今侍御史續曰吾家代儉約不欲華衆歸全之後其以布車一乘虔祔先塋續泣而奉之及其葬也塋小無便地於次東馬鞍山下得紫龍飲乳岡之原龜筮從也夫人南陽縣君樊氏戶部尚書子蓋之曾孫袁州刺史文器之孫廬江太守李節之女仁孝柔明關於禮度左右圖史雅善琴碁中外孤弱躬自收視俾夫遠近咸懷安之春秋六十有八棄堂帳于相州之安陽天寶十五載秋八月十有四日爰遵周公之典而合祔焉禮也廣德二年春二月

皇帝有事于南郊追贈君都督梁州諸軍事梁州刺史夫人南陽郡太君蓋以續簪白筆於赤墀董財賦於巴漢是用有永錫之寵紆褒崇之命哀榮之盛不其至矣君凡四為綱佐六奉使軒所至之邦必聞異績舉天下之政事莫不咨折中焉
清貧室無長物孤筮叢草皆仰於君既嬰沈痼之疾綿歷三載續請就上國之醫庶其逢吉君曰闔門之資者寸祿也命也吾不以一身易百口竟不從而歿識者哀之或謂君曰吾奉養癸姊用度萬錢
張諸姑繼繼五兩姑見君笑而不答退謂續曰吾見其

撫孤不見其怨德教義之士有以見其用心也君怡淡寡欲雅好攝生在新安或指靈叟於君齋心四日采入其咀而後覲之訊其由來陳思王東閣祭酒蔣覲也說魏時事歷歷可聽君愁首而斬之叟曰從我乎必可度世君以王事靡盬沮而辭焉比迴顧則為茅草矣初君上計濟南展羣相之墓松檟森然微猷莫紀
居論譔日成先德之不忘
是舉也嗚呼君體之上姿岳曠之夷度寬明足以濟衆和義足以長人口絕秀言自無還視立身先張仲之志與朋服子路之言內行可以質神明清規

易山天官

可以勵風俗宜克享胡者荷天之龍光輔乎漢之得人高視乎周之列位而道之將喪命不偶時屈與驥於身前歿後吁足嘆也春秋貴九世卿族

漢史稱七葉珥貂陪臣於下士絕屬於天潢戚

里豈比夫登台者四世尚主者五人焜耀於數朝之

間蟬聯於百代之下可同年而語矣演懿文懋學峻

鄧清標天寶末陷居賊中為偽命連辟辭疾不起謀

使家人與本朝通計為部曲所發遂遭禁詰一日之

中議刑者數焉俄而官軍大至賊黨奔北由是獲免

乾元中奉使巴渝屬段子璋構逆流輩十人皆披屠

害以續高名欲留同惡期之以死承劍不回諸道

徵求之不堪命續至之邦必荷信如期而畢則

將崇必復之美寧止當朝之望俾銘功伐敢墜

期文其辭曰

益為帝虞偃不異世表東海其惟徐乎武或

或哲或儒後昆厥德不孤荆邯都督克懋遠圖

邦國四佐猶軒六祖樹聲長世與道為徒爰覲幽

無寧集枯何仁義都盡彭殤曷殊

所嗟人紀莫展嘉謨馬鞍山北龍乳岡隅於馬崇拊

先志靡渝豐碑崔嵬宰樹縈紆沾濡

京兆尹御史中丞梓遂杭三州刺史劍南東川節度使杜公神道碑銘

征鎮四出鑿門之寄崇邦畿千里內史之官最非夫任均周召名軼趙張則何以展心膂之謀光錡簞之製者矣公諱濟字應物京兆杜陵人晉征南大將軍當陽侯元凱十四代孫周禮部侍郎殿內監棠公懿之來孫隋符璽郎乾祐之玄孫皇度支員外主客郎中續之曾孫朝散大夫明堂丞贈潤州刺史讓之孫高陵令贈太子少保惠之第二子也器識通簡履歷相易以之飾吏用晦而明逗機而舉無遺諳蒞事

而照有餘地早歲以寢郎從調書判超等為李吏部彭年所賞補梁州南鄭主簿州主司馬垂為山南西道採訪使引在幕下俄丁內艱終制轉許州長社尉陽光翽都督隴西奏公為法曹皇甫侁採訪江西奏公為推官授大理司直攝殿中侍御史賜緋魚袋尋正除殿中儀宰郿縣相國李峴尹京兆奏公為渭南尉僕射裴冕為劍南奏公為成都令遷綿州刺史賜紫金魚袋屬徐知道作亂使裨將曹懷信招公公執以歸朝除戶部郎中加朝散大夫廣德中檢校駕部郎中上柱國公善與人交於嚴武情均莫逆武再充

劍南節度爲武行軍司馬郭英義之代武也矯宣恩命毀玄宗宮爲節度使宅公驚其異謀移疾不視事今司空冀國公崔寧旣誅英義請知使事公堅卧不起仍俾通泉令今前殿中侍御史韋都賓密使家僮潛表事實大曆初杜鴻漸分蜀爲東西川公爲副元帥判官知東川節度拜太中大夫綿劍梓遂渝合龍普等州都防禦使梓州刺史兼御史中丞公以威信馭戎寬明莅俗克念八州之地靖兩川之人朝廷嘉之尋拜東川節度使俄而移軍復爲遂州都督徵拜給事中間歲拜京兆少尹明_月遷京兆尹出爲杭

州刺史不逾周歲風化大行不幸感疾又聞代到請尋醫于晉陵以大曆十二年歲次丁巳秋七月二日辛亥薨于常州之別館春秋五十有八夫人京兆韋氏曰平仲房州刺史景駿之孫禮部尚書琅琊王丘之外孫太子中舍迪之第三女也精識高明正家柔克移天有幹夫之壘宜室多綏族之仁六姻稱其壺則四德被於彤管生三子四女而公即世夫人晝哭茹毒星言割哀留子壻祕書省校書郎范陽盧少康裒二子匡陟緝寧家殘獨與子肅匍匐萬里以祗護喪櫬冬十一月至上都二十四日壬申虔窆公于萬

年縣洪原鄉之少陵原祔先塋也仍自爲祭文以抒
意其略曰周旋吳蜀備歷艱危不陷寇難賴君携持
一朝孤立更復何依魚失水而鱗悴樹無根而葉萎
詞理精婉才情懇到聞者傷愍焉於戲公以傑俊之
材當艱虞之際伸其智略宣力盛時頡頑鴛鷺之間
總統龍犀之節旋登瑣闥驟陟尹畿方當焜燿高衢
升凌台序而一麾出守鍛翮江臯竟吉往而凶歸齋
此志而歿地吾道惜矣真卿何幸得忝維私未終倚
玉之歡遽切據梧之恨吁足痛也銘曰

杜侯戔戔令聞猗那其用于世爲猷匪他理稱易簡
政絕煩苛州縣發跡雲霄切摩化存江滸威肅岷嶓
巴蜀靖謐精誠孔多瑣闥久拜亞尹遄過始陟京兆
旋移浙河云如不吊遭此凶瘡哲婦哭晝獲喪崩波
祔于先壟映蔚條柯曷用表德勒銘墳阿

顏魯公文集卷之八

終

顏魯公文集卷之九

碑

晉紫虛元君領上真司命南嶽夫人魏夫人
仙壇碑銘

錫山安國刊

夫人諱華存字賢安任城人晉司徒劇陽文康公舒
之女也師于小有清虛真人王裒哀命中候上仙范
邈為立傳其略云夫人挺瓊蘭之流映體自然之靈
璞志逸雲霞明潔鮮蔚天才卓異玄標幽拔少讀老
莊三傳五經百子無不該覽性樂神仙味真慕道少

服胡麻散茯苓丸吐納氣液攝生夷靜親戚往來一
無關見常欲別居閑處父母不許年二十四強適太
保掾南陽劉文幼彥生二子璞遐幼彥後爲脩武令
夫人心期幽靈精誠苦盡逮子息粗立乃離隔室宇
齋于別寢清脩百日忽有太極真人安度明東華大
神方諸青童扶桑碧河湯谷神王景林真人小有仙
王清虛真人王裒來降裒謂夫人曰聞子密緯真氣
太帝君敕我授子神真之道青童曰清虛爾之師也
度明曰子苦心求道道今來矣景林曰虛皇鑒爾勤
感太極已注子於玉札子其勗哉青童又曰子不受

聞上道內法晨景玉經者仙道無緣得成也後日當
會洛陽山中爾勤密之矣三君乃命侍女開玉笈出
太上寶文八素隱身大洞冥經高仙羽玄等書三十
一卷手授夫人焉此皆王君昔遇南極夫人西城真
人王方平於陽洛山所受之本經也山中有洞臺是
清虛之別宮王君至是北向祝誓於夫人曰太上三
元九皇高真虛微八道玉清玉泉裒爲太帝所敕于
魏華存又說太極白簡青籙金刻玉文有得見此三
十一卷書者之姓名也凡此寶書起自清虛真人受
太師西城王君紫元夫人從是當七人得之以白玉

金華山志卷之九
仙傳文集卷之九
二
為簡青王為字至是夫人為四矣於是景林又受夫
人黃庭內景經令晝夜誦讀萬遍得乃洞觀鬼神此
乃不死之道也於是四真吟唱各命玉女彈琴擊鐘
吹簫合節而發歌歌畢王君乃解語夫人向所授書
存思指歸寶經節度行事口訣諸要粗訖徐乃別去
凡二夕一日共會在曲靜之中自此之後王君及西
城真人諸元君夫人互有來往或與隔壁共庭初不
駭悟已而幼彥以暴疾殞世值天下荒亂夫人撫養
內外傍救窮乏超羣先覺乃携細小徑來東南及兒
息各大並處官位至于守靜之思與日而進也凡在

世八十二年以成帝咸和九年歲在甲午王君乃與
東華青童來降與夫人靈藥兩齋使頓服之尅期會
于陽洛宮夫人服藥稱疾閉目寢息飲而不食七日
夜半太一玄仙遺飈車來迎夫人用藏景之法託形
神劍化成死骸始終外朗仙化內逸冥變隱適從此
而絕子璞時為庾司空司馬遐時為陶太尉從事中
郎安城太守故夫人自此隱化淪景須臾至陽洛山
明日青童君太極四真人清虛王君三天法師張道
陵等凡四十七真人降教夫人於隱元之臺王君令
夫人清齋五百日讀大洞真經并分別登真祕奧道

陵授以新出明威章。入靜存祝吏兵符籙之訣。衆真各標至訓三日而去。道教所以備教委曲者。以夫人在世爲女官祭酒領職理故也。夫人遂脩齋讀經。誦研萬過積十六年。顏如少女。於是龜山九靈太真。西王母金闕聖君。南極元君。乃共來迎夫人。遂白日升晨北詣上清宮。玉闕之下。太微天帝中央王老君。三素高元君。太上玉晨大道君。太素三元君。扶桑大帝君。今闕後聖君。各令使者致命授夫人玉札金文。位爲紫虛元君。領上真司命南嶽夫人。比秩仙公。使治天台大霍山洞臺之中。主下訓奉道教授當真仙。

者而男之高仙曰真人女曰元君。於是夫人受錫事畢。王母及金闕聖君南極元君各去。使夫人於王屋小有之中更齋戒三日。畢九微元君龜山王母三元夫人馮雙禮珠。衆諸衆仙並降夫人於小有清虛上宮絳房之中。時夫人與王君爲賓主。焉神肴羅陳。金觴四奏。名命侍女陳曲成之鈞。九雲合節八音。零粲於是。西王母擊節而歌。歌畢馮雙禮珠彈雲璈而答。歌餘真人各歌。須臾司命神仙請隸屬及南嶽神靈迎官。並至虎旂龍輦。激曜數百里。中西王母諸真乃共與夫人東南行。俱詣天台霍山臺。又便道過句曲。

當是注字

金壇茅叔申宴會二日二夕又共適于霍山夫人安
 駕玉宇然後各別初王君告夫人曰學者當去疾除
 病因受甘草丸所謂穀仙方也夫人服之而仙夫人
 能隸書為王君立傳事甚詳悉又述青精飴針汪黃
 庭內景經自後屢降茅山子璞後至侍中蒙使傳法
 于司徒琅琊王舍人楊羲護軍長史許穆穆子王斧
 並升仙事具陶弘景真誥所呼南真即夫人也初夫
 人既渡江徧遊名山至臨川郡臨汝水西立壇置精
 舍院東百餘步造冢壙又於石井山建立壇場往來
 遊憩歲月深久榛蕪淪翳雖備載圖經而略遺無跡

有唐女道士黃令微道行高遠八十而有少容蹠履
 而行奔馬不及時人見其顏色殊異號曰花姑聞夫
 人靈迹長壽二年歲在壬辰冬十月乃訊于洪州西
 山道士胡超超能通神明遙指郭南六里烏龜原有
 石龜每犯田苗被人擊首折其處是也姑與道流尋
 訪見龜在壇中央其下得尊像油甕鎗刀燈盞之類
 俄夢夫人指九曲池於壇南獲之磚砌猶在景雲中
 睿宗使道士葉善信將繡像幡花來修法事仍於壇
 西置洞靈觀度女道士七人開元初玄宗使醮祭祈
 禱不絕每有風雨或聞簫管之聲入室禮謁必須嚴

縈不爾必有虵虎驚吼之異時時有雲如烏鳥羣飛
垂帶直下壇上倏忽不見西出如向井山前後非一
已而花姑肝蠻間如有告者曰井山古跡汝須崇建
俄聞異香從西來姑行宿洞口聞鐘磬之音遲明入
山果遇壇殿餘趾遂建立屋宇屢聞仙梵之響環壇
數里有採斫及不精潔者必有恠異之警有野象中
箭來接花姑姑為拔之後每齋前則銜蓮藕以獻姑
開元九年姑欲上升告弟子曰勿釘吾棺可以絳紗
冪之已而霆雷震擊紗上有孔大如鷄卵棺中唯有
絳紗冪屋上牙可容人座前奠瓜數口生蔓結實

如桃者二每至忌辰則風雨鬱勃直入室內玄宗聞
而駭之覆視明白使道士蔡偉編入後仙傳二十九
年春三月乙酉使道士齋龍壁來醮忽有白鹿自壇
東出至冢間而滅五色仙蛾集壇上刺史范陽張景
佚以為聖德感應立碑頌述天寶八載以夫人得道
升仙之所度女道士二人見修香火大曆三年真卿
叨刺是州言崇禮謁郊郭蒙邃藿蒲震驚女弱曹逃
豺狼窟聚真儀如在壇殿巋然瞻仰徘徊悄焉若失
有仙壇觀道士譚仙巖者修真目遠法侶是宗請以
男官黃道士二十七人抽隸洞靈共申灑掃高行女道

金華山志卷之九
增修觀宇從之不日適暨厥成仙迹之載崇師之力也敢備其本末而為頌云銘曰

紫虛元君維魏夫人位列五嶽名高七真凝華台胤奪志劉嬪太帝昭懇清虛降神羣仙畢會玉笈斯陳服道日損精心益勤蛻形神劍託馭飈輪適抵陽洛遄登隱元黃庭朗誄白日升晨西降王母東過叔申傳法侍中許揚或作陽非為隣伊昔南渡爰居汝濱壇塲處所埋沒荒榛實賴花姑諗于胡尊果獲靈迹烏龜之原次尋井山實叶曩言嫣然簡解紗縑空存野象

啣藕靈瓜吐根恠異昭彰不可殫論二聖竦駭屢崇明因于嗟女弱香火堙淪真卿刺州謁拜思頻乃命仙子增修鼎新花姑侍傍異代同塵曷表玄德銘功翠珉垂諸來裔缺北無垠

撫州臨川縣井山華姑仙壇碑銘

華姑者姓黃氏諱令微撫州臨川人也少乃好道風神卓異天然絕粒年十二度為天寶觀女道士年八十髮白面紅如處子狀時人謂之華姑牒篋而行奔馬不及聞魏夫人仙壇在州郭之南草木榛翳結廬求之不得長壽二年歲在壬辰冬十月壬申朔訪于

金華山志卷之九
金華山志卷之九
洪州西山胡天師天師名超能役使鬼神見其懇切
遙指姑所居南二百步曰烏龜原中有石龜每蹂踐
田苗百姓患之乃擊斷其首即其處也明日與姑登
山顧望西面有池水焉即師謂姑曰池中有所見乎
曰無師遂舉左手令姑自腋下觀之四仙浴焉師曰
余有道分必當得之因留與語數日虔誠尋訪遂獲
石龜於壇中央掘其下得尊像及刀鋸各一油甕五
口燈盞數十箇天后聞之盡收入內姑嘗於旦夕精
思想象之間忽有告曰壇南有九曲池汝可開之姑
從而獲焉塼砌盡在他日有異香綵雲從西南而來

其夕夢有人謂姑曰井山道場何不修葺姑未及往
忽然感疾姑曰得非違尊教所致乎翌日病愈又聞
異香而宿于谷口聞鍾聲遲明入山果獲壇殿地砌
北半峯有自然石井深可三尺濶丈餘故名井山天
欲雨則雲霧先起姑既建置精舍時聞仙梵之音環
壇五七里間莫敢樵採姑遂灑掃修葺極其力焉人
或不潔不誠必遭蛇虎恠異之警迷不能出矣至今
猶然有野象爲獵人所射來姑前姑爲拔箭其後每
至齋時即啣蓮藕以獻姑開元九年欲上昇之際忽
謂弟子曰不須釘吾棺可以絳紗冪之數夕有雷震

繞視紗頂孔如鷄卵屋穿容人棺中唯被覆木簡而已弟子奠瓜數日生蔓長數尺結實二顆其大如桃姑同學弟子黎瓊仙恒服茯苓胡麻絕粒四十餘秋年八十齒髮不衰六七歲時親覩其事每至忌晨即風雲翳鬱直入室內村墅路人往往見綵雲白鶴飛入洞口清齋行道時每有一朱鬃白馬在壇側逼之則奔而出外捨之則隨而復來靈異昭彰不可談悉仙聲史玄同左通玄等每至三元恒修齋醮大曆三年真卿獲刺是州明年春三月山下有女道士曾妙行輩一女師令上層華樹層層掇食及悟猶飽因是

不食嘗於觀中見瓊仙跪而拜曰夢中所見乃真師也因請依之于今覺韶顏潤澤虔修香火於此山遐邇駭慕焉於乎井麻姑得道而名山南真仙昇於龜原華姑素於茲嶺瓊仙妙行接踵而出非夫天地肝蠻從古以然則何以仙氣氤氳若斯者矣真卿幸因迷職親覩厥猷若默而不言則來者奚述乃為銘曰

綽綽華姑真仙品徒芳蓮比色逸駿爭驅南郭從魏西山訪胡腋窺浴泉原獲龜烏靈跡既儼曲池猶汚鼎新廟貌煥發規模名曰井山終焉不逾象來藕獻

金華先生集卷之九
馬見鬃朱簡解空存紗穿上徂奠瓜吐實藹室雲趨
妙行精持高真是命勒銘翠琰未播玄都

浪跡先生玄真子張志和碑

士有牢籠太虛撰括玄造擺元氣而詞鋒首出軋無
間而理窟肌分者其唯玄真子乎玄真子姓張氏本
名龜齡東陽金華人父遊朝清真好道著南華象罔
說十卷又著冲虛回馬非馬證八卷代莫知之母留
氏夢楓生腹上因而誕焉年十六遊太學以明第擢
第獻策肅宗深蒙賞重令翰林待詔授左金吾衛錄
事參軍仍改名志和字子同尋復貶南浦尉經量移

不顧之任得還本貫既而親喪無復宦情遂扁舟垂
綸浮三江泛五湖自謂烟波釣徒著十二卷凡三萬
言號玄真子遂以稱焉客或以其文論道縱橫謂之
造化鼓吹京兆韋諳為作內解玄真又述太易十五
卷凡二百六十有五卦以有無為宗觀者以為碧虛
金骨兄浦陽尉鶴齡亦有文學恐玄真浪跡不還乃
於會稽東郭買地結茅齋以居之閉竹門十年不出
吏人嘗呼為搗河夫執畚就役曾無忤色又欲以大
布為褐裘復徐氏聞之手為織纊一製十年方暑不
解所居草堂椽柱皮節皆存而無斤斧之跡文士効

金日只日金
柏梁體作歌者十餘人浙江東觀察使御史大夫陳
公少遊聞而謁之坐必終日因表其所居曰玄真坊
又以門巷湫隘出錢買地以立開闔旌曰迴軒巷仍
命評事劉太真為敘因賦柏梁之什文士詩以美之
者十五人既門隔流水十年無橋陳公遂為勅造行
者謂之大夫橋遂作告大夫橋文以謝之常以豹皮
為度席駿皮為僑隱素木几酌班螺盃鳴榔杖拏隨意
取適垂釣去餌不在得魚肅宗嘗錫奴婢各一玄真
配為夫妻名夫曰漁僮妻曰樵青人問其故魚僮使
捧釣收綸蘆中鼓棹樵青使蘇蘭新桂竹其前荒

陵子陸羽校書郎裴脩嘗謂問有何人往來答曰太
虛作室而共居夜月為燈以同照與四海諸公未嘗
離別有何往來性好畫山水皆因酒酣乘興擊鼓吹
笛或閉目或背面舞筆飛墨應節而成大曆九年秋
八月訊真卿于湖州前御史李萼以嫌帳請焉我揮
灑橫拂音而纖纒罪拂亂槍而攢毫雷電馳湏臾之間
千變萬化蓬壺髮髯而隱見天水微茫而昭合觀者
如堵轟然愕貽在坐六十餘人玄真命各言爵里紀
年名字第行於其下作兩句題目命酒以蕉葉書之
授翰立成潛皆屬對舉席駭歎竟陵子因命畫工圖

而次焉真卿以舴艋旣弊請命更之答曰儻惠漁舟
願以爲浮家泛宅沿沂江湖之上往來若雲之間野
夫之幸矣其談諧辯捷皆此類也然立性孤峻不可
得而親踈率誠澹然人莫窺其喜愠視軒裳如草芥
屏嗜欲若泥沙希跡乎道丈夫同符乎古作者莫可
測也忽焉去我思德茲深曷以寘懷寄諸他山之石
銘曰

邈玄真超隱淪齊得喪甘賤貧泛湖海同光塵宅魚
舟垂釣綸輔明主斯若人豈烟波終此身

茅山玄靖先生廣陵李君碑銘

先生姓李氏諱含光廣陵江都人本姓弘以孝敬皇
帝廟諱改焉二十一代祖宏江夏太守避王莽徙居
晉陵遂爲郡人高祖文嶷陳桂陽王國侍郎曾祖榮
皇朝雷州司馬祖師龕隱居以求其志徙于江都父
孝感博學好古雅修彭聃之道與天台司馬鍊師子
微爲方外之交尤以篤慎著于州里考行議謚曰正
隱先生母邨瑯王氏賢明有德行先生孩提則有殊
異晬日獨取孝經如捧讀焉羈非好靜處誦習墳典
年十八志求道妙遂師事同邑李先生遊藝數年神
龍初以清行度爲道士居龍興觀尤精老莊周易之

深趣執喪過哀口不嘗甘旨之味食唯穡麥而已封
植膳羞皆經其手號毀骨立親族莫不傷之開元十
七年從司馬鍊師於王屋山傳授大法靈文金記一
覽無遺綜核古今該明奧旨玄宗知先生徧得子微
之道乃詔先生居王屋山陽臺觀以繼之歲餘請居
茅山纂修經法頻徵皆謝病不出天寶四載冬乃命
中官齎璽書徵之既至延入禁中每欲諮稟必先齋
沐他日請傳道法先生辭以是疾不任科儀者數焉
玄宗知不可強而止先生嘗以茅山靈跡剪為符隨
其經錄亦多散落請得修葺乃特詔於揚許壽居

紫陽以宅之仍賜絹二百疋法衣兩副香爐一具御
製詩及序以餞之又禁於山側採捕漁獵食葷血者
不得輒入公私祈禱咸絕牲牢先生以六載秋到山
是歲詔書三至渥澤頻繁暉映崖谷初山中有上清
真人許長史楊君陶隱居自寫經法歷代傳寶時遭
喪亂散逸無遺先生奉詔搜求悉備其跡而進上之
先時玄宗將求大法請先生為師先生竟執謙冲辭
疾而退息七載春玄宗又欲受三洞真經以其年春
之三月中官齎璽書云其月十八日尅授經誥是日
於大同殿潔修其事遂遙請先生為玄師并賜衣一

襲以伸師資之禮因以玄靖為先生之嘉號焉仍詔刻石於華陽洞宮以誌之是歲夏五月隱居先生合丹之所有芝草八十一莖散生於松石之間詔碑先生與中官啓告靈仙緘封表進夏又詔以紫陽觀側近二百戶太平崇元兩觀各一百戶並蠲其官徭以供香火秋七月又徵先生既至請居道觀以養疾九載春辭歸舊山其年夏六月前生靈芝之所又產三百餘莖煌煌秀異人所莫覩先生又圖而奏之是歲冬又徵先生於紫庭別院館之十載秋先生又懇辭告老御製序詩以餞之十有一載先生奉詔與門人

韋景昭等於紫陽之東鬱岡山別建齋院立心誠肅是夜仙壇林間遍生甘露因以上聞特詔嘉異初隱居先生以三洞真法傳昇玄先生昇玄付體玄先生體玄付正一先生正一付先生自先生距於隱居凡五葉矣皆總集妙門大正真法所以茅山為天下道學之所宗矣於戲是非可齊也我物均焉生死可忘也覺夢同焉如出可域心於變化之際哉先生以大曆己酉歲冬十一月十有四日遁化於茅山紫陽之別院春秋八十有七其年十二月八日門人赴喪而至者凡數千人號奉冠舄遷窆于雷平山之西陲遺

命以松棺竹杖木几水瓶香奩香爐置於藏門內弟子等仰奉嘉猷克遵儉德先生識真淳業行高古道窮情性之本學冠天人之際所以優游句曲鬱為王者之師出入明庭特寵有與之貴是知順風而問昔稱於黃帝望山而請今見於玄宗矣又博覽羣言長於著撰嘗以本草之書精明藥物事關性命難用因循著音義兩卷又以老莊周易為潔靜之書著學記義略各二篇內學記二篇以續仙家之遺事皆名實無違詞旨該博初先生幼年頗工篆籀而隸書尤妙或賞之云賢於其父因投筆不書玄宗詔山人王曉

強請先生楷書上經一十三紙以補楊許之闕先生能於陰陽數術之道而不以藝業為能極於轉鍊服食之事而不以壽養為極但冥懷素朴妙味玄津非夫博大之至人孰能盡於此真卿乾元二年以昇州刺史充浙江西節度欽承至德結慕玄微遂專使致書於茅山以抒誠懇先生特令韋鍊師景昭復書於真卿恩眷綢繆足勵超然之至然可師可仰望紫府而非遙王事不遑寄白雲而悠遠泉大曆六年真卿罷刺臨川旋舟建鄴將宅心小嶺長庇高蹤而轉刺吳興事乖夙願徘徊郡邑空懷尊道之心瞻望林巒

未負借山之記而景昭泉郭闕等以先生茂烈芳猷
願銘金石乃邀道士劉明素來託斯文真卿與先生
門人中林子殷淑遺名子韋渠牟嘗接采真之遊緒
聞舍一之德敢強名於巷黨曷足辨於鴻蒙其詞曰
抱一混茫人之紀綱先生以之氣王神強乃啓玄旨
玄門以彰乃為帝師帝道惟康甘露呈瑞靈芝効祥
上士云感高風再揚鶴返仙廟雲辭帝鄉退歸而老
妙識行藏德本無累道心有常寔曰形解孰云坐亡
代石表墓勒銘傳芳谷變陵遷厥跡彌光

顏曾公文集卷之九

十月十四日校共卷開

顏曾公文集卷之十

卷之十

墓碣墓誌

曹州司法參軍秘書省麗正殿二學士殷君

墓誌

錫山安國刊

曹州司法參軍秘書省麗正殿二學士殷君
墓碣銘

善父母之謂孝睦昆友之謂悌孝悌也者其仁之本
歟經天緯地之謂文博古知今之謂學文學也者其
德之蘊歟誰其無之即我伯舅殷君其人矣君諱踐
猷字伯起陳郡長平人五代祖不害舊集作不古非以孝見
梁書高祖英童周御正中大夫麟趾學士曾祖聞禮

金山安氏館
唐太子中書舍人弘文館學士祖今言校書郎淄川
令父子敬太常博士吳今累葉皆以德行名義儒學
翰墨聞於前朝君即吳縣之元子幼而聰悟紀倫長
而典禮不易年十三日誦左傳二十五紙讀稽聖傳
一遍亦誦之博覽群言尤精史記漢書百家氏族之
說至於陰陽數術醫方刑法之流無不該洞焉與賀
知章陸象先我伯父元孫常述友善賀呼君為總龜
以龜千年五聚問無不知也君性方正志業淳深識
理清遠人皆望而服之解褐杭州叅軍刺史宗璟以
相國之重簡貴自居無所推揖每見君必特加禮敬

當是宋字

政事之諉譎者皆咨決焉開元初舉文儒異等授秘
書省學士尋改曹州司法叅軍麗正殿學士與韋述
袁暉同修王儉今書七志及群書四錄流別銓次皆
折衷於君璟與蘇頲既入相每引君詢以當代之務
友于兄弟群從宗黨必盡糾綏之恩長妹蘭陵郡太
夫人真卿先妣也中年孀嫠遺孤十人未能自振君
悉心訓獎皆究恩意故能長而有立開元九年秋七
月九日有叔父臨黃尉子玄之喪哀慟嘔血終於京
師通化坊之私第夫人蘭陵蕭氏司空瑀之玄孫括
州司馬宋國公興宗之女賢和齊蕭秉修禮度能讀

論語周易泛觀史傳率諸婦以和義故閨範修睦焉
君之捐館以清白留遺家道索然夫人躬甘菲糲勸
勉桑穡晷息晨興以率勵僮僕行之數歲經費美焉
教誨三子攝寅克齊等皆克負荷攝大斌令克齊高
平尉為真卿河東覆屯軍試判官並不幸早世寅聰
達有精識能繼先父之業有大名於天下舉宏詞太
子校書承寧尉箠殺謾吏貶移澄城丞久疾將歿顧
瞻太夫人欲訣不忍其子監察御史亮年未志學隱
而潛蠹之及寅卒斬指剪髮寘于棺中誓事太夫人
不敢渝常日有疾不脫衣帶者數年故白燕巢于

苦楸乾元元年太夫人季女適于邠州司法陸超板
輿隨牒俄而遘疾三月朔日終于超之官舍春秋八
十有一龜筮未從因榘殯于三水亮以校書郎遷壽
安尉為真卿荆南節度推官廣德二年十有二月與
弟今榮陽尉承匍匐徒步力護雙櫬合祔君夫人于
新安縣之龍澗原三千塋從理命也嗚呼以君之才
之美被服純行加人數等清修素業為代元龜竟不
得贊皇極而叶彛倫登泰階而儀百辟不其惜矣嗟
乎仲尼聖者也終于魯司寇而宮與之比公明達
者也年纔四十八而君壽與之齊豈聖賢之道有遭

遇乎將運命之數有窮通乎茲小子所以敲疑而述
報施也大曆五年夏五月真卿以恩宥刺撫於州採
石刻頌丹寄碣於墓左銘曰

殷之後昆奕葉儒門盛烈存兮君能濟美於穆不已
明德尊兮運促道長身歿名揚教義敦兮合祔先窆
述遵理命哀順孫兮高墳崔嵬龍澗之隈映鮮原兮
斯焉窆止以望吾子慰營魂兮

京兆尹燕中丞杭州刺史劔南東川節度使

杜公墓誌銘

九有無虞行師貴於枉席四方取則鈞鉅資乎浩穰

誰其有之則杜公其人矣公諱濟字應物京兆杜陵
人皇主客郎中續之曾孫明堂令知讓之孫贈太子
少保惠之第三子姿度韶舉心靈敏達在家必聞既
蘊睦親之志所居則化多稱不器之能解褐南鄭主
簿州主司馬垂引在使幕轉長杜尉隴西法曹皇甫
侁江西採訪推官授大理司直攝殿中侍御史賜緋
魚袋尋正除殿中歷宰郿渭南成都三縣綿將刺史
賜紫金魚袋戶部郎中加朝散大夫廣德中檢校駕
部郎中上柱國名嚴武劔南行軍司馬杜鴻漸分蜀
為東西川以公為副元帥判官知東川節度拜太中

金山先生集卷之十一
大夫綿劔梓遂都防禦使梓州刺史無中丞時寇盜
充斥公示以威信八將之不隕公之力焉尋拜東川
節度使俄而移軍復為遂將都督徵拜給事中間歲
拜京兆少尹明日還京兆尹出為杭州刺史公務清
簡庭落若無吏焉不幸感風疾以大曆十二年歲次
丁巳秋七月二日辛亥薨于常州之別館春秋五十
有八夫人京兆韋氏太子中舍廸之第三子也沉敏
精深高明柔克幹夫人之蠱以懋厥家生三子四女
而公即世夫人星言晝哭躬護櫬轎與子楊以冬十
一月二十有四日壬申歸窆公于萬年縣洪原鄉之

少陵原祔先塋也嗚呼以公之志業材力宜其振揮
鱗翻凌厲清浮而命迨成山功虧長世吁足恨也真
卿忝居友壻亟接周行痛音徽之永隔感存歿其何
已銘曰

藹藹顒顒時維杜公業先臺省政治洽軍戎乃尹京師
乃麾江東帝方俟理命則不融內子護喪哀哀送終
祭文

祭姪李明文

維乾元元年歲次戊戌九月庚午朔三日壬申第十
三叔銀青光祿大夫使持節蒲州諸軍事蒲州刺史

上輕車都尉丹陽縣開國侯真卿以清酌庶羞祭于
亡姪贈贊善大夫李明之靈惟尔挺生夙撰幼德宗
廟瑚璉階庭蘭玉每慰人心方期戩穀何圖逆賊間
疊稱兵犯順尔父竭誠常山作郡余時受命亦在平
原仁兄愛我俾爾傳書爾既歸止爰開土門土門既
開兇威大蹙賊臣不久孤域圍逼父陷子死巢傾卵
覆天不悔禍誰為荼毒念爾邁殘百身何贖嗚呼哀
哉吾承天澤移牧河關泉明比者再陷常山攜爾首
櫬及茲同還撫念摧切震悼心顏方俟遠日小爾幽
宅魂而有知無嗟久客嗚呼哀哉尚饗

當是卜字

顏魯公文集卷之十一

顏魯公文集卷之十一

錫山安國刊

書帖

與李太保帖

不審所苦何如奉計已痊復真卿緣馬病朝迴已乏
未遂馳謁謹勒叅候不次謹狀十一日刑部尚書顏
真卿狀上李太保大夫公閣下 千手贊檢未得帖
之謹空 拙於生事舉家食粥來已數月今又罄竭
祗益憂煎輒侍深情故令投告惠及少米實濟艱勤
仍恕干煩也真卿狀

錫山安國刊

顏魯公文集卷之十一

陰寒不審太保所苦何如承渴已損深慰馳仰所檢
贄猶未獲望於文書細檢也病妻服藥要少鹿肉脯
有新好者望息少許幸甚幸甚專馳謁不次謹狀二
十九日刑部尚書顏真卿狀上李太保大夫公閣下
謹空

與盧倉曹帖

昨奉辭但增悵仰承已過埭不得重別情深惘然玆
重謹此不宣真卿白二十四日

與蔡明遠帖

蔡明遠鄱陽人真卿昔刺饒州即嘗趨事乃來江右

無改厥勤靖言此心有足嘉者一昨緣受替歸北中
止金陵闔門百口幾至餬口明遠與夏鎮不遠數千
里冒涉江湖連舸而來不愆晷刻竟達命于秦淮之
上又隨我于邦溝之東追攀不疲以至邵伯南埭始
終之際良有可稱今既已事方旋指期斯復江路悠
緬風濤浩然行李之間深宜尚慎不宣真卿報
聞鄒游與明遠同來欲至采石計其不久亦合及吾
淮泗之間脫若未到見之宜傳此意遣此不宣真卿
報蔡明遠

與夫人帖

當是預乎

真卿頓首奉承十四日遷厝承問悲慕不能自勝惟
攀慕不及摧毀何堪痛當柰痛當柰何凝寒惟動靜
支適兒子等保侍真卿離官已久事須十間前至鄭
州汴州已來專奉侍一日只擬一驛計過大事後發
猶恐遲必望知此緩急勿遲滯足下不來義無獨去
之法必請矜此狼狽所望今到汴州水下不愁河凍
書祭器等先下舡去真卿十一日且發東京佇望早
來早來謹不次真卿頓首夫人閣下 十一月八日
問訊頌翺蒙郎郎和奴光嚴深遠憶或至十三日
得發

寒食帖

天氣殊未佳汝定成行否寒食只數日間得且佳為
佳耳

蔡州帖 題驛舍壁

真卿奉命來此事期未竟止終忠勤無有旋意然中
心悵悵悵舊集作悵非始終不改于沒濤宜得斯報千百
年間察真卿心者見此一事知我是行外足達於時
命耳 人心無路見時事只天知向不舊集後二

與郭僕射書

十一月日某謹奉書于右僕射定襄郡王郭公閣下

蓋太上有立德其次有立功是之謂不朽抑又聞之
端揆者百寮之師長諸侯王者人臣之極地今僕射
挺不朽之功業當人臣之極地豈不才為世出功
冠一時挫思明跋扈之師抗迴紇無厭之請故得身
畫凌煙之閣名藏太室之廷吁足畏也然美則美矣
而終始之難故曰滿而不溢所以長守富也高而不
危所以長守貴也可不儆懼乎書曰爾唯弗矜天下
莫與汝爭功爾唯不伐天下莫與汝爭能以齊桓公
之盛業片言勤王則九合諸侯一匡天下葵丘之會
微有振矜而叛者九國故曰行百里者半九十言

晚節末路之難也從古至今裊我高祖太宗已來未
有行此而不理廢此而不亂者也前者菩提寺行香
僕射指麾宰相與兩省臺省已下常叅官並為一行
坐魚開府及僕射率諸軍將為一行坐若一時從權
猶未可何況積習更行之乎一昨以郭令公以父子
之軍破犬羊兇逆之衆衆情欣喜恨不頂而戴之是
用有興道之會僕射又不悟前失竟率意而指麾不
顧班秩之高下不論文武之左右苟以取悅軍容為
心曾不顧百寮之側目亦何異清晝攫金之士哉甚
非謂也君子愛人以禮不聞始息僕射得不深念之

平其竊聞軍容之為人清修梵行深入佛海况乎叔
東京有殄賊之業守陝城有戴天之功朝野之人所
共貴仰豈獨有分於僕射哉加以利衰塗割恬然於
心固不以一毀加怒一敬加喜尚何半席之座咫尺
之地汨其志哉且鄉里上齒宗廟上爵 朝廷上位
皆有等威以明長幼故得彛倫叙而天下和平也且
上自宰相御史大夫兩省五品已上供奉官自為一
行十二衛大將軍次之三帥三公令僕少師保傅尚
書左右丞侍郎自為一行九卿三監對之從古以然
未嘗參錯至如節度軍將各有本班卿監有卿監之

班將軍有將軍之位縱是開府特進並是勳官用蔭
即有高卑會讌合依倫叙豈可裂冠毀冕反易彛倫貴
者為賤所凌尊者為卑所偏一至於此振古未聞如
魚軍容階雖開府官郎監門將軍朝廷列位自有次
叙但以功績既高恩澤莫二出入王命衆人不敢為
比不可令居本位須別示有尊崇只可於宰相師保
座南橫安一位如御史臺衆尊知雜事御史別置一
榻使百寮共得瞻仰不亦可乎聖皇時開府高力士
承恩傳宣亦只如此橫座亦不聞別有禮數亦何必
令他失位如李輔國倚承恩澤徑居左右僕射及三

公之上令天下疑恠乎古人云益者三友損者三友願僕射與軍容為直諫之友不願僕射為軍容佞柔之友 又一作裴僕射誤欲令左右丞勾當尚書當時輒有訓對僕射恃貴張目見尤介衆之中不欲顯過今者興道之會還爾遂非再謁八座尚書欲令便向下座州縣軍城之禮亦恐未然朝廷公讌之宜不應若此今既若此僕射意只應以為尚書之與僕射若州佐之與縣令乎若以尚書同於縣令則僕射見尚書令得如上佐事刺史乎益不然矣今既三廳齊列足明不同刺史且尚書令與僕射同是二品只校

上下之階六曹尚書並正三品又非隔品致敬之類尚書之事僕射禮數未敢有失僕射之顧尚書何乃欲同卑吏又據宋書百官志八座同是第三品階及國家始升作二品高自標致誠則尊崇向下擠排無乃傷甚况再於公堂獨吐常伯當為令公初到不顧紛披僂俛就命亦非理屈朝廷紀綱須其存立過爾隳壞亦恐及身明天子忽震電含怒責戮彞倫之人則僕射其將何辭以對 補遺

贊

李侍御寫真贊

乾元二年黃州黃陂縣丞幹兒

前殿中侍御史正議大夫行洛陽縣令隴西李構年三十七

洛陽精堅強項稱賢粉績圖出風規宛然臍容昭寫卓立神全舉板迎揖吾將荅焉

題名

華嶽廟題名

皇唐乾元元年歲次戊戌冬十月戊申真卿自蒲州刺史蒙恩除饒州刺史十有二日辛亥次于華陰與監察御史王延昌大理評事攝監察御史穆寧評事張澹華陰令劉嵩主簿鄭鎮同謁金天王之神祠

東林寺題名

唐末泰丙午歲真卿以罪佐吉州夏六月壬戌與殷亮韋栢栢舊集作栢非尼賈鎰鎰舊集作鎰非同次于東林寺則同愔熙怡二公惠秀正義二律師裊揚鷗存焉仰廬阜之鑪峰想遠公之遺烈并神運殿禮僧伽衣覩生法師塵尾扇謝靈運翻涅槃經具多梵夾忻慕之不足聊寫刻于李張二公耶舍禪師之碑側

西林寺題名

唐末泰丙午歲真卿以踈拙貶佐吉州夏六月癸亥與殷亮韋栢尼栢舊集作栢非賈鎰鎰舊集作鎰非楊鷗鷗于西林

寺有法真律師深究清淨毗尼之學即律祖師志恩之上足余內弟正義之阿闍黎也緬懷遠見二公之遺烈道余躋重閣示余以張僧繇畫盧舍那佛像哀梁武帝戲線繡鉢袋因寓題歐陽公所撰末公碑陰
靖居寺題名

唐末泰二年真卿以罪佐吉州聞青原靖居寺有幽絕之致御史韓公涉刺史梁公乘嘗見招欲同遊而不果大曆二年十月壬寅評事韋甫已使將歸乃與別駕李清河房澄同官主簿陸洧甫男七步真

卿子姪蔡頤泚頤軒等同宿于下坊明日及僧明則

智清而登禮焉因覩行思天師經始雙泉之靈迹道契律師纂戎路之祕藏徘徊瞻仰乃援翰而勒于碑陰

題湖州碑陰

太保謝公東晉咸和中以吳興山水清遠求典此郡郡西至長城縣通水陸今尚稱謝公塘及遷去郡人用懷思刻石記功焉歷代至皇唐天寶末群盜起公之碑誌失於所在眷求蕪沒深為愴然借舊史遺文敬刊息石公之雅量弘度蓋嗟嘆之不足

顏魯公文集卷之十一

顏魯公文集卷之十二

卷之十二

錫山安國刊

序

尚書刑部侍郎贈尚書右僕射孫逖文公集

序

古之為文者所以導達心志發揮性靈本乎詠歌終乎雅頌帝庸作而君臣動色王澤竭而風化不行政之興衰實繫於此然而文勝質則繡其鞶帨而血流漂杵質勝文則野於禮樂而本訥不華歷代相因莫能適中故詩人之賦麗以則詞人之賦麗以淫此其

效也漢魏已還雅道微缺梁陳斯降宮體聿興既馳
騁於末流遂受嗤於後學是以沈隱侯之論謝康樂
也乃云靈均已來此未及覩盧黃門之序陳拾遺也
而云道喪五百歲而得陳君若激昂頽波雖無害於
過正權其中論不亦傷於厚誣何則雅鄭在人理亂
由俗桑間濮上胡爲乎綿古之時正始皇風奚獨乎
凡今之代蓋不然矣其或斌斌彪炳郁郁相宣膺期
運以挺生奄寰瀛而首出者其惟僕射孫公乎公諱
逖河南鞏人其先自安樂武水寓於涉而徙焉父嘉
之以詞學登科官至宋州司馬公風裁徵明天才傑

口是抄錯

出學窮百氏不好非聖之書文統三變特深稽古之
道故逸氣上躋而高情四達羗索隱乎混元之始表
獨立於常均之外不其盛歟年數歲即好屬文十五
時相國齊公崔日用試土火爐賦公雅思適麗援翰
立成齊公駭之約以忘年之契爾後遂有大名故其
試言也年未弱冠而三擅甲科吏部侍郎王丘試竹
簾賦降階約拜以殊禮待之相國燕公張說覽其策
而心醉其序事也則伯樂川記及諸碑誌皆卓立千
古傳於域中其為詩也必有逸韻佳對冠絕當時布
在人口其詞言也則宰相張九齡欲掎撫疵瑕沉吟

久之不能易一字公之除庶子也苑咸草詔曰西掖
掌論朝推無對議者以為知言凡斯夥多庸可悉數
故燕國深賞公才俾與張九齡許景先韋述同遊門
庭命子均埴施伯仲之禮江夏李邕自陳州入計繕
寫其集齎以詣公託知己之分其為先達所重也如
此公文雅有清鑒典考功時精覈進士雖權要不能
逼所獎擢者二十七人數年間宏詞判等入甲者一
十六人授校書者九人其餘咸著名當世已而多至
顯官明年典舉亦如之故言第者必稱孫公而已夫
然信可謂人文之宗師國風之哲匠者矣公凡所著

詩歌賦序策問贊碑志表疏制誥等不可勝紀遭二
朝之亂多有散落子宿絳成等夙奉過庭之訓咸以
文章知名同時莖省乃編次公文集為二十卷列之
于左庶乎好事者傳寫諷誦以垂乎無窮亦何必藏
名山而納石室也真卿昔觀光乎天府實荷公之獎
擢見命為序豈究端倪時則永泰元年仲秋之月至
若世系閥閱蓋存諸別傳此不復云

懷素上人草書歌序

開士懷素僧中之英氣槩通疎性靈豁暢精心草聖
積有歲時江嶺之間其名大著故吏部尚書韋公陟

觀其筆力勗以有成今禮部侍郎張公謂賞其不羈
引共遊處兼好事者同作歌以贊之動盈卷軸夫草
藁之作起於漢代杜慶崔瑗始以妙聞迨乎伯英尤
擅其美義獻茲降虞陸相承口訣手授以至於吳郡
張旭長史雖恣性顛逸超絕古今而楷法精詳特為
真正其早歲嘗接游居屢蒙激勸教以筆法資質劣
弱又嬰物務不能懇習迄用無成追思一言何可復
得忽見師作縱橫不群迅疾駭人若還舊觀向使師
得親承善誘亟揖規模則入室之賓舍子奚適嗟嘆
不足聊書以冠諸篇首

送劉太冲序

劉太冲彭城之華望者也自開府垂明於宋室澤州
考績於國朝道素相承世傳儒雅尚矣夫其果行修
潔斯文彪蔚鄂木照乎移華龍驥驤乎雲路則公山
正禮策高足於前冲與太真嗣家聲於後有日矣昔
余作郡平原拒胡羯而請與從事掌銓吏部第甲乙
而超升等夷爾來蹉跎猶屑卑位雖才不偶命而德
其無隣故冲之西遊斯有望矣江月弦魄秦淮頂潮
君行句溪正及春水勗哉之子道在何居

送辛子序

當是不字

醇白之士曰隴西辛晃銳業班漢顯門名家十五而
志學克明五十而勵精益懋拳拳不失慕回也之服
膺衮衮可聽同茂先之善說昔我高叔祖鄆州使君
著决疑一十二卷問荅稱為大顏曾伯祖祕書監府
君集註解成一十二帙 儒斟酌煩省摭樞英華勒
成三十篇名之曰漢畧夫其發凡舉例晃序言之已
詳惜乎困於縑緗不獲繕寫遂使精義沉鬱闇然未
彰吁足嘆也二月初吉金陵氣暖抵淮上之諸侯所
如必合及滁川之美景未至方歡群子賦詩以寵之
顏魯公文集卷之十二

